

**Siaran Akhbar
Untuk Edaran Segera
2 Disember 2025**

SD Guthrie Tambah Pegangan Dalam EBP8

Selasa, 2 Disember 2025 – SD Guthrie Berhad bersama rakan-rakan kongsinya, Eco World Development Group Berhad dan Permodalan Darul Ta'zim Sdn Bhd (PDT), telah bersetuju untuk meminda perkongsian pegangan dalam Eco Business Park 8 (EBP8) yang berpusat di Mukim Kulai, Johor. Di bawah perjanjian yang telah dikemas kini, kesemua rakan kongsi bersetuju bahawa PDT akan mengekalkan 10% pegangan dalam Eco Business Park 8 Sdn Bhd (EBP8SB), manakala Guthrie, melalui anak syarikat 100% miliknya, SD Guthrie Land Ventures (SDGLV), dan EcoWorld masing-masing akan memegang 45%.

EBP8 ialah sebuah taman perindustrian bersepadu terancang yang terletak di kedudukan yang strategik untuk memanfaatkan potensi pertumbuhan jangka panjang Iskandar Malaysia. Ia juga berada dalam Zon Ekonomi Khas Johor-Singapura (JS-SEZ) yang pesat membangun dan berdaya saing.

Pengarah Urusan Kumpulan, Datuk Mohamad Helmy Othman Basha berkata Guthrie telah melibatkan diri secara berhati-hati dalam segmen perniagaan baharu pembangunan perindustrian pada tahun 2024, namun kini bersedia untuk mengambil pegangan yang lebih besar dalam projek baharu ini.

Beliau berkata, “Dengan peningkatan pegangan kepada 45%, Guthrie akan memainkan peranan yang lebih strategik dalam usahasama ini. Kami amat berbesar hati untuk bekerjasama rapat dengan PDT dan EcoWorld. Ini merupakan langkah strategik yang akan membolehkan kami memberikan pulangan yang mampan kepada para pemegang saham kami.”

Mohamad Helmy turut menegaskan bahawa pembangunan perindustrian akan menjadi salah satu tonggak penting bagi pertumbuhan masa depan Guthrie. Dengan strategi baharu untuk mengambil pegangan lebih besar dalam syarikat pembangunan, Guthrie akan membangunkan kapasiti dan kepakaran yang akan memberi manfaat kepada para pemegang saham. “Dengan skala simpanan tanah strategik kami, adalah wajar untuk kami menjana lebih banyak nilai di mana boleh,” tambahnya.

Pembangunan yang dicadangkan di Mukim Kulai bagi projek pembangunan perindustrian bersepadu ini akan menampilkan lot perindustrian, fasiliti siap bina serta komponen komersial sokongan dengan anggaran nilai pembangunan kasar sebanyak RM3.75 bilion. Projek ini direka untuk memenuhi keperluan sektor bernilai tinggi dan berasaskan inovasi termasuk rantai bekalan berteknologi tinggi dan kecerdasan buatan, elektrik dan elektronik termaju, bioteknologi dan teknologi perubatan, teknologi makanan serta logistik.

Mengenai SD Guthrie Berhad

SD Guthrie Berhad (Guthrie) ialah syarikat global terkemuka dan bertanggungjawab dalam sektor pengeluaran Minyak Sawit Disahkan Mampan (CSPO). Dengan tenaga kerja melebihi 83,000 orang, kami memenuhi keperluan pengguna dan pelbagai jenama makanan di 86 buah negara. Semua minyak sawit yang kami hasilkan adalah bebas daripada penebangan hutan dan boleh dikesan sumber asalnya.

Dengan sejarah penubuhan melangkaui 200 tahun, kami kini merupakan peneraju inovasi yang membangunkan generasi baharu robotik serta penyelesaian berasaskan teknologi bagi sektor minyak sawit dan perniagaan tani. Kami turut memenuhi permintaan bagi tenaga boleh diperbaharu melalui pembangunan projek solar dan taman perindustrian berprestasi tinggi, sambil memanfaatkan kepimpinan kami dalam kelestarian untuk membina lebih banyak kejayaan serta perniagaan yang siap siaga menghadapi masa depan.

Kelestarian adalah teras kepada segala yang kami lakukan. Sebagai syarikat minyak sawit pertama dunia dengan sasaran pengurangan gas rumah hijau bersih-sifar yang diluluskan oleh Science Based Targets initiative (SBTi), kami melangkaui dan meningkatkan penanda aras sedia ada melalui rangka kerja kelestarian Beyond Zero, demi memacu perubahan yang bermakna dalam sektor industri kami.

Guthrie mengendalikan 234 ladang sawit di Malaysia, Indonesia, Papua New Guinea, dan Kepulauan Solomon, yang disokong oleh 11 kilang penapisan dengan jumlah kapasiti tahunan sebanyak empat juta tan metrik. Kami menghasilkan 12% daripada jumlah keseluruhan CSPO di dunia. Kami juga menghasilkan dan menjual pelbagai derivatif minyak sawit seperti oleokimia, biodiesel, dan nutraseutikal, serta giat membangun dan mengkomersialkan benih sawit berprestasi tinggi dan lebih berdaya tahan terhadap cabaran perubahan iklim.

Disenaraikan di Bursa Malaysia (KLSE: SDG) dengan modal pasaran sebanyak RM36.24 bilion (USD8.78 bilion) setakat 1 December 2025, Guthrie adalah salah satu syarikat strategik milik Permodalan Nasional Berhad, syarikat amanah saham terbesar di Malaysia dan pemegang saham utama kami. Kami turut disokong oleh beberapa institusi pelaburan besar yang lain seperti Kumpulan Wang Simpanan Pekerja (KWSP) dan Kumpulan Wang Persaraan (Diperbadankan) (KWAP).

Untuk maklumat lanjut, sila layari www.sdguthrie.com.

Atau Hubungi:

- **Hafiz Noor, Ketua, Komunikasi Strategik**
Tel: +6019-424 8283 | E-mail: hafiznoor@sdguthrie.com
- **Michael Murty, Pengurus, Konten & Saluran Penyiaran**
Tel: +6016-326 8373 | E-mail: michael.murty@sdguthrie.com